



**Spostamaint aua suos-cha e meteora Brail – dumonda da princip**

Causa il svilup da fabrica a Brail ston gnir spostadas duos lingias d'aua suos-cha e da meteor our dal perimeter da fabrica. La dumonda da princip es gnüda acconsentida. Inavant ha la suprastanza cumünala surdat las lavurs d'indschegner al büro Caprez Ingenieure SA, Zernez e las lavurs d'impressari a la firma Seiler AG, Pontresina.

**Locals pels pumpiers - halla Cul 40H - dumonda da princip**

L'edifizi Cul 40H, Zernez dess gnir restructurà in novs locals per ils pumpiers. Previs esa da transmüdar ils magazins cumünals in duos locals per ils veiculs dals pumpiers, ün local per la grupp da gas, tualettas/duschas e gardarobas. Sülla gallaria dess gnir installà ün local da rapport e sezzüdas pels pumpiers. Tuot il stabilimaint vain isolà cun ün'isolaziun externa, uschè chi po gnir tgnüda aint la ledscha d'energia. La lavur da maina fabrica es gnüda surdatta a Bulfoni Bauleitungen GmbH. La suprastanza ha approvà l'inizi dal proget e la glista da submittents.

**Via Ruzön III - vetta groba da catram seguond'etappa - dumonda da princip**

Quist on esa previs da realisar la vetta groba da catram da la seguond'etappa da Ruzön III. La suprastanza cumünala ha pudü acconsentir la dumonda da princip e surdat la lavur da maina fabrica al büro Caprez Ingenieure SA, Zernez.

**Imboccadüra Cul - decisiun da varianta e da princip**

Insembel cun l'Uffizi da construcziun bassa dal chantun Grischun as vaiva incumbenzà al büro Emch+Berger Graubünden AG (avant ewp AG) da s-chaffir las pussibilitats per üna soluziun nouva d'üna imboccadüra sufficiainta pel trafic actual e futur pel quartier da Cul, Zernez. La suprastanza cumünala ha decis sur da la varianta da princip pel prosequimaint dals stüdis/progets.

**Concept da signalisaziun Susch**

Id es gnü deliberà il concept da signalisaziun da Susch per pudair elavurar la realisaziun finala.

**Crossiety - decisiun da princip**

Il Cumün da Zernez vaiva lantschà principi 2019 la plattafuorma digitala «Der digitale Dorfplatz» da la firma Crossiety per üna fasa da pilot da trais ons. La suprastanza ha decis da spordscher quista plattafuorma eir in avegnir a lur abitants.

**Desditta piazza da lavur - manader da finanzas ed impostas e commember da la direcziun operativa**

Causa la desditta da la piazza da la lavur da Jean Pierrick Bergamin, manader da finanzas ed impostas e commember da la direcziun operativa sülla fin da settember 2021 es gnüda publichada la piazza süls chanals da cumün, illas gazettas Posta Ladina e Südostschweiz.

**Rendaquint 2020 – 1. lectüra**

Las instanzas cumünalas sun repassadas il rendaquint 2020. Il rendaquint es gnü approvà a favur da la revisiun da quint tras il büro Lischana fiduziari SA a Scuol ed a man da la cumischiun sindicatoria. l' mais mai vain il rendaquint approvà e rinvià a man da la radunanza cumünala dals 22 gün 2021.